

# DEO OPTIMO MAX.

## QUÆSTIO MEDICA,

CARDINALITIIS DISPUTATIONIBUS  
manè discutienda, in Scholis Medicorum, die Jovis vigesimo secundo  
mensis Martii, anno Domini M. DCC. LIII.

M. MICHAELE-JOSEPHO MAJALTY,  
Doctore Medico, Præside.

*An Junioribus, ex Seniorum cohabitatione, detrimentum?*

I.



ITA nihil pretiosius accepimus. Hac ineunte cursum init pater sensus, gaudium excitatur, affulget felicitas. Divinum est jubar, quo exoriente, tenebræ nihili discutiuntur, dies æterna invehitur, bonorum omnium fontes aperiuntur, præsentia habentur, futura sperantur, utrisque animus jucundissime afficitur. Singulas vitæ descriptiones intueri; nihil in iis invenies non jucundissimum. Ut lactanti matri, sic procreanti naturæ carissimus infans, summis ejus muneribus ornatus totus est lepos, nondum amans, jam amatus. Juventuti omnia leniter aspirant: formæ venustas, oris dignitas, ingenii præstantia, menti omnium rerum studiosæ campum aperiunt ubique decursu facilem: graviores ætatem graviora sequuntur. Tunc homo vir factus magna & præclara molitur, suscipit, exequitur, terrisque subactis dominatur; dùm senex animos dictis demulcet, dirigit, hortatur, persuadet. At hæc eadem vita, unde tot commoda dimanant, & quæ nihil simplicius videbatur, dividitur tamen, alteraque pars nostri, primus existentie hospes corpus, mox existentia mulctatur. Nihil illo fragilius; ut in homine, compositione incredibili, cum robore conjungatur imbecillitas, cum magnitudine humilitas, cum faustitate calamitas. Animal cæteris imperaturum, omnium nascitur infirmissimum, & extinguitur facillime. Qui numinis æterni refert effigiem, sævis motibus animi depascitur; quem summa manet felicitas, perpetuus quoque angit ejus admittendæ metus. Ei præsentem mortem omnia intentant: ei terra pedibus calcanda, circumfusus aer, adjuncti homines, bestiarum quæ famulantur, omnia periculo plena: vigiliâ fatigatur, obruitur somno, labore deditur, quiete languescit, dolore exeditur, voluptate conficitur, inedia deficit, ciborum onere corrui oppressus, vel propriis ruinis collabitur, vel ipsâ reparatione fatiscit, & seu malo, seu remedio labe factus, semper & ubique stat in præcipiti. Quovis anni tempore, quâvis cæli temperie, sua singulis ætatibus impendent fata. Nec est quod adolescentes, aut juvenes suæ credant nimium ætati; nam præter mala superius recensita, hoc ætatem incommodius cum eis agitur, quod, quanquam abest omnis morbifica materies, sanitas in iis vel comminui vel planè aboleri potest, modo aliquandiu propiorem seniorum vicinitatem patiantur; cujus quidem rei causa in iis affinitatibus indaganda est, propter quas omnia corpora similia sui adeo appetentia sunt, & per eas facile detegitur. Sed quoniam hanc vim affinitatis nonnulli impugnant sin minus ut fictitiam, saltem ut occultam qualitatem à verâ physica exulandam, huic prius principii auctoritatem conciliemus necesse est, quam eam adhibeamus.

**D**A R I affinitates inter corpora compertum æquè est ac lumen existerè. Nul-  
lum est elementum, nullum animantium genus, nulla vegetantium species;  
quæ non in eandem veritatem stabiliendam veluti conspirent. Omnia parent affi-  
nitatis legibus, ubique adest affinitas. Eâ præeunte, animantia escas sibi ido-  
neas appetunt, & vitæ & propagationi consulunt suæ; terrenos succos seligunt  
atque exprimunt arbores; mobilissimum elementum ignis quidquid nanciscitur  
invadit, & nititur ditionis suæ facere, dum terra cuncti-parens cuncta viscera  
suis amplecti & retinere gaudet, natis de se hominibus non absimilis, qui  
ut quid habent carissimum, ita conjunctissimè uniri cum eo, atque commisceri  
student. Nec animantibus solum, sed & cuilibet substantiæ proprii motûs parti-  
cipi hoc ingeneratum fuisse videtur, ut in majus crescere gestiat; quidquid huic  
suæ amplitudini favet, hujus amantissima sit & tenacissima; quidquid nocet fu-  
giat atque reformidet. Itaque ut Ethicus mundus, sic Physicus utroque isto ver-  
titur cardine amore & odio. Unde hoc factum putas, nisi ab affinitate? In plu-  
ribus ejus exemplis commemorandis non immorabimur. Chymia, Physica, Na-  
tura tandem universa eam nusquam non indigitant, & omnes Philosophi variis  
appellant nominibus. Hæc est divina illa vis, quâ corpora reguntur, ponderant,  
manent, intereunt; cui orbis totius credita cura, mandatus ordo, commissa sa-  
lus; satum illud ineluctabile, cujus in ipsos Ethnicorum deos imperium fuit;  
dulcissimus ille siderum concentus, quo stupebat prisca Pithagoricorum secta, &  
exultabat mirabunda poësis; decantata illa sympathia, quam explicandis omni-  
bus phænomenis præciebant; Naturæ horror à vacuo; Platonius ille existen-  
tiæ cujuslibet & formæ Prototypus; ea denique Virgiliana, quæ

*totos diffusa per artus*

*Mens agitat molem, & magno se corpore miscet.*

Jam verò eam affinitatem inter principia recenserè quid verat? Hoc quidem  
extensioni materiæ, impenetrabilitati, divisibilitati, elaterio, idèò tributum est,  
quod, cum ex qualitates intelligerentur ad omnem materiam pertinere, nihil  
illis generalius occurrebat, unde causa peteretur phænomenon. Sed affinitas non  
patet minùs latè, quoniam omnia corpora complectitur, ut suprà disputatum  
est: nec etiam minùs nota, nam nemo magis extensionis causas potest assequi  
cogitando, quàm affinitatis. Itaque ut in quâlibet materiæ portione extensio, sic  
affinitas est, eo tantùm discrimine, quod non in omni materiæ portione sit af-  
finitas cum aliâ quâlibet, sed cum certâ tantùm materiæ portione; quod nihil  
de hujus principii universalitate aut certitudine detrahit, eoque minùs, quod  
sæpè alia principia nequicquam invocantur, præsertim in corpore humano, in  
generatione, v. g. in partium nutritione, in secretionibus, &c. quæ cum omnibus  
perspicua sint, hoc innixi principio corporis humani ortum & incrementum  
jam explicabimus, ut clariùs ejus labes illucescat.

### I I I.

**M**A T E R I A duplex est generatim, alia quidem rudis & indigesta mo-  
les, cujusvis motus, formæ & ordinis experta & inappetens, sed omnis  
formæ & omnis ordinis subjectum, quâ nihil notius: plurimas ejus species ef-  
fentiâ ipsâ inter se discrepare confirmat integritas multarum substantiarum, om-  
ni arte, omni instrumento oppugnatarum, nullâ ratione superatarum. Alia ve-  
rò tenuis, levis, agilis, fluida, circumquaque diffusa, continuo motu agitata,  
variis nominibus formæ substantialis, naturæ plasticæ, materiæ subtilis, *Electricæ*,  
auræ vitalis, animalis spiritûs, &c. designata, atque idèò quoque notissima; pe-  
nès quam sunt vita, forma, diurnitasque corporum. Quæ quidem qualitates non  
ipsimet auræ vitalis indoli tribuendæ sunt, sed diversis ejus cum materiâ rudi af-  
finitatibus. Ubi enim certa vitalis auræ quantitas, certas nata est materiæ rudi  
dis portiones specie quidem diversas, sed quibusdam rationibus inter se conve-

nientes, sic eis sese applicat & adjungit, ut aliis motu agitat, aliis immotis & circumquaque velut excubantibus, in totum certâ ratione connexum, hæc omnia coalescant. Hic sanè est corporum omnium ortus sive ad mineralem, sive ad vegetabilem, sive ad animatam profapiam pertineant. Nihil non à semine, aiunt. Esto quidem, si hoc nomine appellent prima hæc, quæ posuimus, corporum rudimenta. Sed si feminis nomen ita contrahant, ut materiei cuiusdam à duobus individuis sexu dissimilibus emissæ proprium sit, contra experientiam faciunt, quâ constat ex aliorum corporum ruinis alia exsurgere, ita ut medias inter turbas aliquid tamen supersit ordinis, juxta legem à naturâ sancitam, ut quod nocet aliis, aliis prosit. Et sicut nihil ab omni parte beatum, ita vel potiori jure nihil omnino miserum sit.

Hoc primo motu semel incepto, singulæ rudis materiæ partes animatæ, & pro eâ quâ valent affinitate, apto situ inter se collocatæ, mox alias sui similes desiderant, inquirunt, adducunt. Quid mirum? Vividas vires inertæ viribus prævalere quis nescit? Qui appetitus tantò vehementior vel languidior est, quantò robustior vel debilior rudis materiæ natura, laxius auræ vitali remittit habenas, aut adducit strictiùs. Hinc infinita penè mineralium diuturnitas, hinc longavitas arborum & animalium brevitatis; etenim auræ vitali necessarius est motus, perpetuò anxiam quærit, agitur, perpetuò nititur in majus. Quamobrem partes animalium quæ illi faciliùs morem gerunt, utpotè debiliores, omnium sui similibus fiunt voracissimæ, atque etiam æquo voraciores; cujus quidem voracitatis exempla non desiderantur. Sic enim, sed verius dicam, inde fit ut stomachus nimiam ciborum copiâ sese amet ingurgitare; ut cor pleniori sanguinis congestione turgidum, evomere illum cogatur; ut glandulæ, plures æquo succos attrahant, hinc postea sub novâ formâ excernendos; at dum sic quodcumque valent, rapiunt animalium corpora, nimio materiæ rudis onerantur affluxu; auræ vitalis onere tanto fatigata licet non satiata labascit.

*Jamque venit tremulo tarda senectæ gradu.*

Sic imperii Romani moles, omnibus aliis absumptis, magnitudine laborabat suâ. Hic rerum status senibus est gravis, juvenibus infestus, utrique aliquando lucuosus, quod mox planè perspicietur.

#### I V.

**E** A T E N U S igitur senescimus, quatenus nimiam materiæ rudis quantitate congestâ, & exhausto humore vitali, organa exsucca, flecti nescia, solitos motus commodè ciere nequeunt. Detrimentum est in ratione compositâ auctæ materiæ rudis, & imminutæ auræ vitalis. Quidquid delicatius & exquisitius mentis suppeditant & vasti marium tractus & silvæ profundæ, casum ruentis corporis non potest remorari: purioribus & amicioribus illi succis opus est: itaque eorum fit rapacissimum, non secus ac humus Sirii furentis ignibus, vel penetrabili frigore adusta, arefcit & languet, siccisque glebis morantem pluviam fert impatienter, & cadentem bibit celeriter. Ætas autem junior humore vitali scætet, & veluti diffluit, vix tantæ abundantiae capax, quod indicant illius impetus, fervor, agilitas, impatientia. Si igitur seniori accubuerit Juvenis, aut nimiam ejus proximitatem aliquandiu tulerit, hic quidem ab eâ, quod sibi deest recipiet, deficientem in se, redundante in eâ, vitam reparabit, & indelibatis illius opibus, jam absumptas recreabit facultates, adjuvantibus scilicet iis affinitatibus, quarum opes appetit & prosequitur quidquid in sua commoda cedere aptum est, & eadem ratione quâ frigidum corpus à vicino calente caloris partem sibi vindicat. At illâ peste, nihil tetrius est, nihil succorum circumeuntium æquabilitati insensius, nihil floridi decoris venustati, nihil partium nutritioni, nihil actionum sanitati. Concidit subito juvenile corpus, efficitur, exsangue, iners, exanime; fugit enim tandiù senior, donec in utroque corpore sermè æquiparetur auræ vitalis. Nec hujus rei conjectura facta est. Res argumentis tenetur & experientiâ. Quotidie enim animadvertitur ex hac accubatione

dispari, senes quidem novâ alacritate, novo vigore resfloreſcere, juvenes verò emaciatos toto corpore deſiccari, cute liveſcere, anhelâ tuſſi fatigari; nonnullos infantes ipſas nutricum blanditias vitæ mercede perſolvere, plurimofque homines qui hæreditatis proximè venturæ magnitudine illeſti, conjuges duxerant natu grandiores, & ſpes & vitam ſæpiùs cum morte commutare, quemadmodum furculos ab arbore vicinâ extinguitur, aut ſicut fieri videmus ut ea maturiùs extinguantur animantia, quæ pluribus natis vitâ donandis ſuam impenderunt. Nec ita pridem graviffimis pœnis in quamdam mulierem animadvertit ſuprema Aquitanorum curia, quæ puellas in leſti ſocietatem pretio adſcitas maciæ conficeret. Sed quid plura? \* Ab ægris in ſanos commeant quidem morbi fortuitâ exitialis materiæ per aërem tranſfectione. Hic verò, non fortuna, non caſus culpandus: conſtanti de cauſâ ſenile corpus junioris ſuccos ad ſe rapit, & iſtud vel morbo hæc ipſa ratione illato, vel ſubductâ tantum ſanitate interficit.

\* Noſtram propoſitionem conſiſtat Hiſtoria puellæ cujuſdam quindecim annos natæ, quæ paupertatis eamſ cum matre decubens, tumore cedematofis & partis ſupore tentata fuit, quo latere matrem reſpicebat. Leſti ſocietatem

diſſuaſit Clariſſ. huiusſe Facultatis Doctör M. Chomel, & convenientibus remediis ægrotantem ſanavit. Sed duobus elapſis annis, cum matre iterum decubens puella, iſſdem iterum tentata fuit ſymptomatibus.

## V.

**A**TQUE in auræ vitalis exiſtentiam aut uſum fruſtra quis inſurgeret. Eam omnes agnoſcunt in ſemine, cujus fecunditas amittitur in ſenibus quod ex iis auræ vitalis maxima pars avolarit. Quod autem eam à materiâ ſubtili vix diſtinguimus, cauſa quoque in promptu eſt. Præſtantiſſimi illius liquoris, quo vita tota continetur, tenuitas, celeritas, motus continuus, nonnullaque alia indolem materiæ ſubtilis præ ſe ferunt, ſin minùs nativæ, ſaltem leviſſimè immutatæ: quibus etiam accidit, quod materia ſubtilis ſubitâ *electriſatione* vibrata, corpus hominis obvium vividè percellat; & ſui, ſucciſque nervini demonſtret ſimilitudinem. Atque etiam hæc ſimilitudo eò certior videtur, quòd in animalium, generatione fiat quædam corporum *electriſatio*, quâ aura vitalis ſuis excita ſedibus, violenter abripitur, ut mixti ſeminis utriuſque compoſitionem informet, novumque inde exfulciet animal. At iſta, cæteraque alia pendent à fibrarum ſenſibilitate. Huic ſententiæ non repugnamus; nam hæc ſenſibilitas nihil aliud eſſe poteſt, quàm mutato nomine, ipſa eademque affinitas, quâ committuntur inter ſe non ſolùm aura vitalis & craſſior materia, ſed etiam omnes ſingulæ partes organi- cæ, quæ ex earum conjunctione exurgunt; nam affinitas illarum partium in eo poſita intelligitur, quod facilè inter ſe coeant & recedant invitæ: ſenſibilitas autem in eo, quod quidquid huic conjunctioni favet, avidè illud expetant, quidquid nocet, celeriter repellant. Undè patet affinitatem & ſenſibilitatem eundem prorsus effectum eſſe, ſub diverſo reſpectu conſideratum. At ſaltem, inquiet fortaſſe aliquis, quoniam aura vitalis parùm diſſert à materiâ ſubtili circumquaque diſſuſa, cur non eadem proportionem augetur in corpore, quâ matera craſſior? Principia productionis ſeu cauſas rerum, cur ita ſe habeant, enodare noſtrum non eſt. Oſtendiſſe ſufficiat vitam imprimis pendere à materiâ quâdam tenui, quam auram vitalem dixere, & eam materiam in junioribus animantibus copioſiſſimam, in ſenioribus perpaucam, in hæc ab illis accerſi poſſe, ut conclu- damus.

*Ergò Junioribus, ex Seniorum cohabitatione, detrimentum.*

Proponebat Pariſiſ JOANNES-NICOLAUS MILLIN DE LA  
COURVEAULT, Nivernenſis, Doctör Medicus Remenſis, Saluberrimæ  
Facultatis Medicinæ Pariſienſis Baccalaureus, Theſeos Author,  
A. R. S. H. 1753, A SEXTA AD MERIDIEM.

Typis Viduæ QUILLAU, Universitatis & Facultatis Medicinæ Typographi, 1753.